



Inatsisartunut ilaasortaq
Jens NapātôK', Naleraq

Sarfaaruttoortarneq pillugu § 37 naapertorlugu apeqquteqaammut nr. 112-2026-mut akissut

Asasara Jens NapātôK'

Inatsisartut suleriaasianni § 37 naapertorlugu sarfaaruttoortarneq pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput.

Allakkap ullua: 17-07-2026

Sagsnr.: 2026 - 3231

Akt-id: 26647573

Postboks 1614

3900 Nuuk

Tlf.: (+299) 34 50 00

Fax: (+299) 34 54 10

E-mail: pan@nanoq.gl

www.naalakkersuisut.gl

1. Illoqarfinni nunaqarfinnilu sinnerissami ataasiakkaani Nukissiorfiit qassinik nødgeneratoreqarpat nød-elværkeqarlutilluunniit?

Akissut

Apeqqutivit akinissaannut atatillugu Nukissiorfiit ajornartoormi generatorit innaallagissiorfiillu pigisaat pillugit paasissutissanik pissarsiniarfigaakka.

Ataatsimorluinnaq isigalugu illoqarfinni inoqarfinnilu minnerusuni ajornartoormi pilersuinerit assigiinngillat. Illoqarfinni sikusartuni Nukissiorfiit pisinnaasat annertunerpaaffiata 85 %-iinik pilersuinissamut sillimmateqarnissamut pisussaaffeqarput. Illoqarfinni sikuneq ajortuni Nukissiorfiit pisinnaasat annertunerpaaffiata 70 %-inik pilersuinissamut sillimmateqarnissamut pisussaaffeqarput. Pisinnaasat annertunerpaaffiat tassaavoq, illoqarfiup pilersorneqarnerani pilersuisinnaassutisip qaffasinnerpaaffianik ingerlatsiviusoq. Tamanna ukiukkuunerusoq, kiassarnermik pisariaqartitsinerup annertunerpaaffiani pisarpoq.

Inoqarfinni minnerusuni pilersuinermit sillimmatit innaallagissiorfimmut pio-reersumut atasuusarput. Nunaqarfinni innaallagissiorfiit nalinginnaasumik pingasunik generatoreqartarput, tamarmik immikkut ikumatitsivilinnik. Inoqarfinni innaallagissamik atuinerit generatorit marluk atorlugit ingerlanneqarsinnaapput, taamaattumillu generatori ataaseq pilersuinermit sunniuteqanngitsumik qaminngatinneqarsinnaavoq. Allaammi amerlanertigut atuineq nalinginnaasoq generatori ataasiinnaq atorlugu naammassineqarsinnaavoq.

Ajornartoormi innaallagissiorfiit generatorillu amerlassusiinut tunngatil-lugu Nukissiorfiit imatut paasissutissiipput:

Sullissivik Kujalleq

Nanortalik: Ajornartoornermi generatorit 2-t + generatorit containerimiittut 2-t (aalajangerlugit ikkutat, taamaattumillu nuuginnarneqarsinnaanngitsut)

Qaqortoq: Ajornartoornermi generatorit 2-t + generatorit containerimiittut 7-it (aalajangerlugit ikkutat, taamaattumillu nuuginnarneqarsinnaanngitsut)

Narsaq: Ajornartoornermi generatorit 3-t

Narsarsuaq: Ajornartoornermi generatori 1 + generatori containerimiittoq 1.

Sullissivik Nuuk

Paamiut: Ajornartoornermi generatorit 2-t + generatori nuunneqarsinnaasoq 1

Nuuk: Ajornartoornermi generatorit 3-t + generatorit nuunneqarsinnaasut 4-t + generatorit containerimiittut 8-t

Sullissivik Qeqqata

Maniitsoq: Ajornartoornermi generatorit 2-t + generatori containerimiittoq 1

Sisimiut: Ajornartoornermi generatorit 4-t + generatorit containerimiittut 2-t

Kangerlussuaq: Ajornartoornermi generatorit 4-t + generatori containerimiittoq 1

Tasiilaq: Ajornartoornermi generatorit 3-t + generatori containerimiittoq 1

Ittoqqortoormiit: Ajornartoornermi generatorit 2-t

Sullissivik Qeqertarsuup Tunua

Kangaatsiaq: Ajornartoornermi generatorit 2-t

Aasiaat: generatorit containerimiittut 5-it (taakkunannga marluk Uummanna-mut nassiunneqarput)

Qasigiannuit: Ajornartoornermi generatorit 2-t + generatori containerimiittoq 1

Qeqertarsuaq: Ajornartoornermi generatorit 2-t

Sullissivik Ilulissat

Ilulissat: Ajornartoornermi generatorit 3-t + generatorit containerimiittut 2-t (Marluutillugit Uummannamut nassiunneqarput)

Sullissivik Avannaa

Uummannaq: Ajornartoornermi generatorit 2-t + generatorit containerimiittut 2-t (Taakku saniatigut marluk Ilulissaniit + marluk Aasianniit tigune-qaqqammerput. Tassani containerit, Ilulissani Aasiannilu pilersuiner-mut sillim-matitut ilaatinneqanngitsut pineqarput)

Upernavik: Ajornartoornermi generatorit 2-t + generatorit containerimiittut 2-t

Qaanaaq: Ajornartoornermi generatorit 2-t + generatori containerimiittoq 1

Illoqarfinni pilersuiffiit assigiinngitsut sisamaapput:

- **Innaallagissiorfik pingaarneq**, nalinginnaasumik pilersuisuusoq, aammalu nalinginnaasumik ulloq unnuarlu sarfamik tunisassior-toq.
- **Pilersuinerup annerpaaffiani innaallagissiorfik**, piffissani sivikin-nerusuni, sarfamik atuineq innaallagissiorfiup pingaarnep tunis-asiaanit anneruffiani aallartinneqarsinnaasoq. Pilersuinerup annerpaaf-fiani innaallagissiorfik illoqarfinni innaallagissamik atuinissamut

naatsorsuutigisanut naleqqiullugu tunisassiornissamik pilersaarusiornermut nalinginnaasumut ilaatinneqarsinnaavoq.

- **Innaallagissiorfiit sillimmatit**, illoqarfinni erngup nukinga atorlugu pilersorneqartuni pigineqarput. Taamaattoq innaallagissiorfiuvoq, assersuutigalugu erngup nukinganik innaallagissiorfiup qamittoornerani aserfallatsaalineqarneraniluunniit aallartinneqarsinnaasoq. Innaallagissiorfik sillimmat ajornartoornermi innaallagissiorfimmut naleqqiulluni sivilunerungaatsiartumik ingerlaavartumillu ingerlasinnaasunngorlugu annertussusiligaavoq, kisiannili nalinginnaasumik ulluinnarni tunisassiornermut ilaatinneqarani.
- **Ajornartoornermi innaallagissiorfiit**, piffissami sivikinnerusumi, aaqqiissutissamik ataavannerusumik atuilernissap tungaanut ingerlatinneqartussatut naatsorsuutigineqarput. Assersuutigalugu innaallagissiorfiup pingaarnernup aserortoornerup kingorna aallartinneqarsinnaalernissaata, imaluunniit piffissap ilaani pilersuinerup annerpaaffiani innaallagissiorfiup pilersuineramik nalinginnaasumik tiguisinnaalernissaata, imaluunniit iliuusissanik allanik aallartitsisoqarnissaata tungaanut ingerlatinneqarsinnaapput. Illoqarfiit ilaanni generatorinik containeriniittunik peqarpoq, taakkuttaarlu aamma ajornartoornermi innaallagissiorfittut atorneqartarput. Taakku containerit 20 fods-it imaluunniit 40 fods-it iluaniitinneqarput, amerlanertigullu nuunneqarsinnaapput, taamaattumillu pisariaqalertillugu nunaqarfinni illoqarfinniluunniit allanik ajornartoornermi pilersuisutut atorneqarsinnaallutik. Ajornartoornermi innaallagissiorfiit piffissani sivilunerusuni tunisassiorsinnaasussaapput, kisiannili ikummatissamik atuinerat amerlanertigut annertunerusarpoq. Ajornartoornermi innaallagissiorfiit ilaat piffissani sivilunerusuni tunisassiorsinnaassagunik, misissukulaarneqarnissamik aserfallatsaalineqakulanissamillu pisariaqartitsiffiupput, kisiannili tamanna Nukissiorfinnit naammassineqarsinnaavoq.

2. Ullumikkut Avannaata Kommuniani soorlu; Ilulissani, Uummammi, Upernavimmi, Qaanaami nunaqarfiinilu taakkununga attuumassuteqartuni, qanoq annertutigisunik nukissiuutissamaateqarpat?

Akissut

Nukissiorfiit pisussaapput, ajornartoornermi pilersuinermut pisinnaasatik atorlugit illoqarfinni sikusartuni pilersuinerup annerpaaffiata minnerpaamik 85 %-iinik aamma illoqarfinni sikusanngitsuni 70 %-iinik pilersuissallutik.

Nukissiorfiit imatut ilisimatitsissuteqarput:

"Ilulissani innaallagissiorfimi sillimmataasumi pisinnaasat 7400 kW-nik, tassalu illoqarfimi pilersuinerup annerpaaffiani pisariaqartinneqartut 85%-ii sinnerlugit annertussuseqarput.

Uummammi ajornartoornermi innaallagissiorfik nalinginnaasoq 800 kW-nik tunisisinnaavoq, aammalu generatorit containeriniittut pisinnaasat tamar-miusoq 1528 kW-nik annertussuseqarpoq. Taassuma saniatigut maannarpiaq Ilulissaniit Aasianniillu generatorit containeriniittut sisamat, katillugit 1800 kW-nik tunisisinnaasut atorneqarput. Generatorit containeriniittut Uumman-

namut nuunneqartut taakku Ilulissani Aasiannilu pilersuinermit sillimmatitut ilaatinneqanngillat. Taamaattumik illoqarfinni marlunni taakkunani sillimmatit annertussusii pissusissamisut annertussuseqaannarput.

Upernavimmi innaallagissiorfik sillimmat 700 kW-nik tunisisinnaavoq, aammalu generatorit containeriniittut, katillugit 775 kW-nik tunisisinnaasut pigineqarput.

Qaanaami ajornartoornermi innaallagissiorfik 600 kW-nik tunisisinnaavoq, aammalu generatori containerimiittoq 580 kW-nik tunisisinnaavoq. Kisiannili ajornartoornermi innaallagissiorfik aserfallassimasutut naliliiffigineqarpoq. Aarlerinartorsiulernissaq pakkersimaarniarlugu innaallagissiorfik containerimiittoq, 580 kW-nik tunisisinnaasooq ajornartoornermi innaallagissiorfiup eqqaanut inissinneqarsimavoq.

Nunaqarfiit ajornartoornermi innaallagissiorfeqanngillat generatoreqaratil-luunniit. Tamatumunnga taarsiullugu innaallagissiorfiit ilusiligaanermikkut generatorip ataatsip qaminnerani tunisassiorneq ingerlaannarsinnaavoq, aammalu pilersuineq nalinginnaasooq generatori ataaseq atorlugu naammassineqarsinnaavoq.”

3. Naalakkersuisut Kalaallit Nunaanni innaallagissamik pilersuinermit tamakkiisumik navialisinnaanermut mianernassusermullu nalilersuiner-mi suliaqarsimappat, ilanngullugu innaallagissiorfiit imaluunniit siam-marteriviit atorsinnaajunnaassappata illoqarfiit nunaqarfiillu qassit an-nerusumik eqqugaasinnaanersut?

Akissut

Naalakkersuisut imaluunniit Nukissiorfiit navialisinnaanermut mianernassu-sermullu misissueqqissaanermik ataatsimoortumik soqanngillat. 2025-mi illo-qarfinni innaallagissiorfiit ataasiakkaat qanoq issusiinut takussutissiamik sulia-qartoqarpoq.

Taamaattumik Nukissiorfiit aningaasaqarnikkut atugaasa, ukiut arlallit inger-lanerini aningaasat ikittuinnaat atorlugit suliaassanik naammassinniffiusimasut kingunerisaannik, nukissiamik pilersuinitinni iluarsagassat annertuumik kinguaattoorfiusimapput. Nukissiorfiit ingerlaavartumik aserfallatsaaliuiner-minnut ilagitillugu, innaallagissiorfiit unittoornissamut ulorianartorsiornerpaat tullerriaartarpaat, aserfallatsaaliuinermilu taakku salliutittarlugit.

Nukissiorfiit avataaniit siunnersortinik ikiorteqarlutik sanaartugaatit qanoq issusiinik naliliisarnermik nukittorsaanissaq sulissutigaa.

4. Kalaallit Nunatsinni pinasuartunik nukissiuutissamaatit pioreersut qassit nalilerneqarpat naammanngitsutut ukununnga ingerlatsiinnarsinnaanissa-mut; inuiaqatigiinni atuuffiit pingaarnerit, napparsimmaviit, utoqqaat illui, nalunaarasuartaateqarneq, imermik pilersuisinnaaneq & upalungaarsima-neq?

Akissut

Naliliisoqarpoq, sumiiffinni tamani inuiaqatigiinni atuuffiit pingaarnerit ingerlaannartinniarlugit ajornartoornermi naammattumik sarfaliortoqarsinnaasoq. Kisiannili ataatsimut isigalugu ingerlatsineri annertuunik ajoquteqartoqartillugu sarfap ikeqqinneqarnissaata tungaanut qamittoorallartoqarsinnaavoq. Taamaattumik napparsimmaviit, mittarfiit, nalunaarasuartaatit assigisaallu assigiinngiiaartunik annertussuseqartunik ajornartoornermi generatorinik, piffissap ilaani, Nukissiorfiit pilersuineri aallartitseqqinnissaata tungaanut pilersuisinnaasunik peqarnissaat naatsorsuutigalugu Nukissiorfiit sulipput.

Illoqarfinni sikusartuni illoqarfimmi pilersuinerup annerpaaffiata 85 %-iisa ajornartoornermi pisinnaasat atorlugit naammassineqarsinnaanissaa Nukissiorfinnit anguniarneqarpoq. Illoqarfinni sikuneq ajortuni pilersuinerup annerpaaffiata 70 %-iisa ajornartoornermi pisinnaasat atorlugit naammassineqarsinnaanissaa anguniagaavoq. Nuuk kisimiilluni illoqarfiup anginera, atortunik illoqarfimmut assartuussinissamik ajornakusoortitsisoq peqqutaalluni ajornartoornermi pisinnaasat 85 %-iinik pilersuiffiusinnaavoq.

Taamaattumik annertuumik aserortoortoqassapat, taamaalillunilu innaallagissiorfik pingaarnaq tamakkiisumik tunisassiorsinnaajunnaarpat, inuiaqatigiinni atuuffiit pingaannginnerusut killilersorneqarnermik misigisaqartussaapput. Taamatut killilersuinerup kingunerisaanik inuinnaat inuussutissarsiortullu atunerisa ilaannik piffissanut, pilersuinerup annikinnerulerneranut nuunneqarnissaa, aammalu inuussutissarsiutit ilaasa, sarfamik annertuumik atuisut pilersuinerup naammalernissaata tungaanut ingerlatsinermiinnik unitsitsigallarnissaat innersuussutigineqarsinnaavoq.

5. 2026-mi nukissiuuteqarnermut, pinasuartumik nukissiuutit & innaallagissanut sillimmataasivinni pilersitsinissamut aningaasaliissutit, Kalaallit Nunaanni piffikkaartumik qanoq agguataarneqarnissaat naatsorsuutigineqarpa?

Akissut

Ajornartoornermi innaallagissiorfinnik pilersitsinermut aningaasaleeqqinnermulu amerlanertigut ukiut arlallit atorineqartarput, taamaattumillu ukiumi ataatsimi pisiat, ajornartoornermi sarfaliornissamit pisinnaasanik annertusaanernut takussutaasinnaanngillat. Toqqorsivinni pisinnaasassatut pisiat, illoqarfinni ataasiakkaanilu nunaqarfiinilu pisariaqartitarpianut takussutaasarput.

Ukioq manna januaarimi Danmark Kalaallit Nunaanni suliniutinut upalungaarsimanermik siunnerfeqartunut katillugit 180 mio. koruuninik immikkoortitsivoq. Taakkunannga 51 mio. koruunit nukissiornermut immikkoortinneqarput. Aningaasat pingaartumik Aasianni ajornartoornermi innaallagissiorfimmu, kiisalu pilersuineri upalungaarsimanermut toqqorsivimmut aningaasaleeqqinnermut atorineqarnissaat naatsorsuutigineqarpoq.

Nukissiorfiit ilisimatitsipput, pingasunut avitanut toqqortaateqartarlutik, tassanilu kingoraartissat atorineqarnerpaat illoqarfinni ataasiakkaani toqqortarineqartarput, taakkunanngaanniillu pisariaqartitsineq malillugu nunaqarfinnut siaruarterneqartarlutik. Kingoraartissat atortullu atorineqannginnerusut illoqarfinni sullissiveqar-

fiusuni toqqortaatigineqartarput, pisariaqartitsinerlu malillugu illoqarfinnut nunaqarfinnullu imminnut atasunut siaruarterneqartarlutik. Kingoraartissat atortullu pisariaqavissut, toqqortaatissatut pingaarutilittut naliliiffigineqartut, kisiannili akulikinnigitsumik atorneqartartut, qitiusumik Nuummi toqqortaatigineqartarput, pisariaqartitsinerlu malillugu tassanngaanniit siaruarterneqartarlutik.”

6. Qaqugu Naalakkersuisut nukissiuuteqarnermi upalungaarsimaneq & pinasuartumik nukissiuutit pillugit tamakkiisumik nassuiaammik saqqummiussinisaat naatsorsuutigineqarpa?

Akissut

Ajornartoornermi generatorinut aamma generatorinut containeriniittunut takusutissiaq matuma siuliani takuneqarsinnaavoq, tak. apeqqut 1-imut akissut.

2025-mi ukiakkulli Nukissiorfinni upalungaarsimanermi suliat pilersaarutillu immikkut aallunneqalerput. 2025-mi ukiakkut danskit inuiaqatigiinni isumannaal-lisaanermut aqutsisoqarfiat (SAMSIK) suleqatigalugu Nukissiorfinni upalungaarsimanermut sungiusaasoqarpoq, tassanilu upalungaarsimanerat misilerarneqarpoq.

Nukissiorfiit sinerissami upalungaarsimanermut pilersaarutiniq nutarterilerutterput.

Suliaq taanna 2025-mili ingerlanneqarpoq aammalu ukioq naallugu ingerlaqqinnissaa naatsorsuutigineqarpoq. Nuummi upalungaarsimanermut pilersaarutit 2025-mi nutarterneqarput.

2027-p ingerlanerani toqqortaatiniq misissuineq annerusoq ingerlanneqassaaq, aammalu innaallagissiorfinni Nukissiorfinnit ingerlanneqartuni atortut toqqortaatigineqartut nutarterneqassapput.

7. Naalakkersuisut ilisimanerpaat naatsorsuutigineqartoq Uummannami nukissiorfiusoq siunissaq ungasinnerusoq eqqarsaatigalugu naammanngitsaq, aamma nukissiorfiliortoqarnissaata tungaanut upalungaarsimanermut tunngatillugu suut pilersaarutigineqarpat?

Akissut

Nukissiorfiit aaqqiissutaagallartussat atorlugit Uummannami innaallagissamik pilersuineq aallarteqqippaat. Ingerlatsinerup patajaatsuunissaa qulakkeerniarlugu pilersuineq sulii nakkutigeqqissaarneqarpoq, kiisalu siunissamut ungasissumut aaqqiissutissat suliarineqarneri ingerlateqqinneqarput.

Teknikkimut tunngasunik misissuineri aallarniutaasuni ikuallanneq teknikkikkut ajoqusertoqarneranik peqquteqarsimanissaa ilimagineqarpoq. Naliliinerugallartut malillugit ikummatissap aqputaani banjoboltip kaanngarnerani dieseli kuusimavoq, tamatumalu kingorna ikissimalluni. Misissuinerit ingerlateqqinneqarput, tamatumalu kingorna aserfallatsaaliuinnermut, misissuisarnermut isumannaallisaa-nermillu suliaqarnermut pitsannguutaasinnaasut paasineqarnissaat siunertaralugu teknikkimut tunngasunik ataatsimoortunik naliliisoqassaaq.

Maanna innaallagissiorfiusup pilersuinermi pisariaqartitat naammassisinnaanngilai, taamaattumillu Uummannami ikuallanneq aallartimmat pilersuinerup annerpaaffiani innaallagissiorfik ingerlasimavoq. Innaallagissiorfik maanna ikuallassimalersaq aserfallassimasq Nukissiorfinnit ilisimaneqarpoq. Taamaattumik innaallagissiorfiup nutaap 2028-mi ingerlalnissaa pilersaarutigineqarpoq.

8. Uummannami, Upernavimmi, Qaanaami Avannaata Kommunanilu innaallagissamik pilersornerini sivitsortumi qamittuukulanerit Naalakkersuisut nalilersornikuunerpaat, aamma qanoq ittunik pinaveersaatitut iliu-sissanik pilersitsisoqarpa?

Akissut

Nukissiorfiit ilisimatitsipput, Avannaata kommuniani piffissami sivilisunerusumi sarfaaruttoortoqarsinnaanera ataatsimoortumik naliliiffigisimanngikkitsik. Ki-siannili innaallagissiorfinni pingaarnerni generatorit ilaat pitsaanngitsut, aammalu atasinnaassusissatut naatsorsuutigineqartoq angungajaleraat Nukissiorfinnit ilisi-maneqarpoq.

Uummannami innaallagissiorfik maanna ikuallassimalersaq pitsaanngitsaq Nukissiorfinniit ilisimaneqarpoq, taamaattumillu innaallagissiorfimmik nutaamik sananissaq aallartinneqareersimavoq, tak. matuma siuliani apeqqut 7-imut akissut. Qaanaami ajornartoornermi innaallagissiorfik aserfallassimasutut naliliiffigine-qarpoq, *taamaattumillu innaallagissiorfimmik containerimiittumik ajornartoor-nermi innaallagissiorfiup sanianut ilisisoqarsimavoq*, tak. matuma siuliani apeqqut 2-mut akissut.

Nukissiorfinni ukiut arlallit ingerlanerini aningaasaqarneq oqimaatigiissi-manngilaq, taamaattumillu maskiinat, illut, innaallagissamik, imermik kiassar-nermillu pilersuinermi aqqusersuutit naammaginartumik aserfallatsaalineqarsin-naasimanngillat. Taamaattumik ullumikkut aningaasaliinissamut kinguaattoorutit annertuut katersuussimapput. Aningaasaqarnikkut oqimaatigiinngitsumik atu-gaqarnermut pingaartumik innaallagissamut imermullu akit appasippallaamik inissinneqarsimanerat peqqutaavoq.

Naalakkersuisuniit maannarpiaq pissutsit attanneqarsinnaanngitsutut isigineqar-put, taamaattumillu Nukissiorfinnut aaqqiissutissanik aningaasalersuisinnaaner-mullu periarfissanut nukittorsaatissanik, ilaatigut EU-p suleqatigineqarnera aqqutigalugu pimoorullugu ujartuisoqarpoq.

Inussiarnersumik inuulluaqqusillunga



Jørgen Rosbach

Inatsisartut suleriaasianni § 37, imm. 1 naapertorlugu Naalakkersuisunut apequt imaattoq matumuuna saqqummiuppara:

Naalakkersuisunut apeqqutit:

1. Illoqarfinni nunaqarfinnilu sinerissami ataasiakkaani Nukissiorfiit qassinik nødgeneratoreqarpat nød-elværkeqarlutilluunniit?
2. Ullumikkut Avannaata Kommuniiani soorlu; Ilulissani, Uummannami, Upernavimmi, Qaanaami nunaqarfinnilu taakkununga attuumassuteqartuni, qanoq annertutigisunik nukissiuutissamaateqarpat?
3. Naalakkersuisut Kalaallit Nunaanni innaallagissamik pilersuinnermut tamakkiisumik navialasinnaanermut mianernassusermullu nalilersuinnermi suliaqarsimappat, ilanngullugu innaallagissiorfiit imaluunniit siammarteriviit atorsinnaajunnaassappata illoqarfiit nunaqarfillu qassit annerusumik eqqugaasinnaanersut?
4. Kalaallit Nunatsinni pinasuartunik nukissiuutissamaatit pioreersut qassit nalilerneqarpat naammanngitsutut ukununga ingerlatsiinnarsinnaanissamut; inuiaqatigiinni atuuffiit pingaernerit, napparsimmaviit, utoqqaat illui, nalunaarasuartaateqarnek, imermik pilersuisinnaaneq & upalungaarsimaneq?
5. 2026-mi nukissiuuteqarnermut, pinasuartumik nukissiuutit & innaallagissanut sillimmataasivinni pilersitsinissamut aningaasaliissutit, Kalaallit Nunaanni piffikkaartumik qanoq agguataarneqarnissaat naatsorsuutigineqarpa?
6. Qaqugu Naalakkersuisut nukissiuuteqarnermi upalungaarsimaneq & pinasuartumik nukissiuutit pillugit tamakkiisumik nassuiaammik saqqummiussinissaat naatsorsuutigineqarpa?
7. Naalakkersuisut ilisimanerpaat naatsorsuutigineqartoq Uummannami nukissiorfiusoq siunissaq ungasinnerusoq eqqarsaatigalugu naammanngitsaq, aamma nukissiorfiliortoqarnissaata tungaanut upalungaarsimanermut tunngatillugu suut pilersaarutigineqarpat?
8. Uummannami, Upernavimmi, Qaanaami Avannaata Kommuniainilu innaallagissamik pilersornerini sivitsortumi qamittuukulanerit Naalakkersuisut



**nalilersornikuunerpaat, aamma qanoq ittunik pinaveersaatitut iliuusissanik
pilersitsisoqarpa?**

(Inatsisartunut ilaasortaq Jens NapātôK', Naleraq)

Tunngavilersuut:

Innaallagissamik pilersuinerup aalajaatsuunissaa inuiaqatigiit ingerlanissaannut tunngaviusumik piumasaqaataavoq. Sarfamik pilersuineq ilaatigut imermik pilersuinnermut, attaveqatigiinnermut, peqqinnissaqarfimmut, paaqqinniffinnut, atuarfinnut, nerisassanik uninngasuuteqarnermut, inuussutissarsiornermut inuiaqatigiillu ataatsimut isumannaatsuunerannut qitiulluinnartuuvoq. Ukiuni kingullerni ingerlatsinermi akornusersuutit, kingullermillu Uummannami innaallagissiorfimmi ikuallattoqarnera, takutitsipput sarfamik sivisuumik qamittoornermi inuiaqatigiit qanoq qajannartigisut. Tamatuma peqatigisaanik paasissutissat saqqummerput Uummannami maanna innaallagissiorfiup siunissami ungasinnerusumi pilersuinissamik pisariaqartitsineq matussusersinnaasutut naatsorsutigineqanngitsaq, nutaamillu innaallagissiorfissamik pilersaarusiortoqarnera aatsaat aallartilaarluni. Taamaattumik aalajangersimasumik aaqqiissutissap pilersinnissaanut ukiut arlallit ingerlasinnaapput.

Tamaammat pissusissamisoorpoq apeqquteqarneq, piffissami ikaarsaariarfiusumi innuttaasut inuiaqatigiillu atuuffii qitiusut isumannaarsarniarlugit upalungaarsimanermut innaallagialiuutit, sillimmatita allat, kingoraartissat upalungaarsimanermullu pilersaarutit naammannersut. Pingaartumik avannaani nunaqarfiillu isorliunerusut sivisuumik sarfaaruttoornerit kingunerluuteqarsinnaapput, tassami periarfissat allat killeqakkajuttarmata, ikiorneqarnissamullu sillimmatitullu atortussanut isorartussutsit annerusarlutik. Tamatuma peqatigisaanik nukissiuuteqarnermut tunngasuni upalungaarsimanerup piorsarnissaanut 2026-mi aningaasaliissuterpassuit immikkoortinneqarsimapput, tamatumunnga ilaallutik upalungaarsimanermut innaallagialiuutinik pisineq uninngasuuteqarsinnaanermillu pilersitsineq. Taamaattumik suliniutit taakkua nuna tamakkerlugu qanoq iluaqutaassanersut, kiisalu pilersuinnermi isumannaatsuunermit sumiiffiit sulii naammaginangitsutut nalilerneqarnersut qulaajarneqarnissaat naleqquppoq.

Tunngavigisaq tamanna aallaavigalugu Naalakkersuisut Kalaallit Nunaanni nukissiornermi upalungaarsimaneq pillugu ataatsimut naliliinerat kissaatigineqarpoq, tamatumunnga ilaallutik upalungaarsimanermut innaallagissiorfiit, sillimmatitut piginnaasat, qajannartut kiisalu Avannaata Kommuniiani nunallu sinnerani pitsanngorsaattissat pilersaarutaasut sumut killinnerat. Inatsisartut innuttaasullu inuiaqatigiit atuuffii qitiulluinnartut



attatiinnarneqarsinnaanerat tatigissallugu qitiulluinnarpoq, aamma nunatsinni sivilisuumik qamittoornerit annertunerusumik eqquissagaluarpataluunniit.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.